



Wie Sivrit mit den Sachsen Streit.

IV. Auentiure.

Do chomen vrendiv märe. in Guntheres lant.
von boten die im verre. warn dar gesant.
von onchynnen recken. die in trugen haz.
do si die rede vernamen. leit was in inneckliche das.

Die wil ich iu nennen. ez was Lodeger.
vzer Saksen lande. ein richer furste her.
vnt ouch von Tenemarche. der kunic Lodegast.
an dem finen vriunden. ganzer helpe nie gebraft.

Ir boten chomen warn. in Suregonden lant.
die ir widerwinnen. heten dar gefant.
do vragte man der märe. die unchonden man.
do braht man si balde. zehofe for den konic stan.

Do sprach der kunic Gunther. nu sit willekomen.
wer ioch her habe gesendet. des enhan ich niht vernomen.
daz solt ir lazen horen. sprach der ritter gvot.
do vorhten si vil fere. den grimmen Gunthers mvot.

Welt ir uns konic erlobben. daz wir iu märe sagen.
diu wir iu da bringen. sone soln wir niht verdagen.
wir nennen iu die herren. die vns here habent gefant.
Lodegast vnt Lodeger. die wellent suchen iwer lant.

Ir habt ir haz verdienet. ir sult gelobben daz.
daz iu die rechen beide. tragent grozen haz.
Si wellent herverten. ze Wormze an den Rin.
in hilfet vil der degene. des sult ir ane zwifel sin.

Inre zwelf wochen. ir reise sol geschehen.
habt ir iemen vriunde. daz lat vil balde sehen.
die iu vriden helfen. die burge vnt iwer lant.
hie wirt von in verhowen. vil manic herlicher rant.

Oder welt ir mit in dingen. so entbietet ez in dar.
sone ritent iu so nahen. niht die starchen schar.
ze Wormez zu dem Rine. vf hercentlichiu leit.
da von verderben mozen. die guten ritter gemeit.

Nu bitet eine wile. sprach der kunic gnot.
vnz ich miß baz verfinne. ich kund iw minen moot.
han ich getriwer iemen. die sol ich niht verdagn.
disiw starchen märe. sol ich minen frwendenden sagen.

Dem kunige disiw märe. warn leide genwöc.
die rede er tougenliche. insime hercen tvoc.
er hiez gewinnen Hagenen. vnt ander sine man.
vnt bat ovch harte balde. zehose nach Gernote gan.

Do chomen in die besten. swaz man der da vant.
er sprach man wil uns sfochen. her inunser lant.
mit starchen herverten. daz lat iw wesen leit.
ez ist gar ane schulde. daz si uns habent widerseit.

Daz wern wir mit swerten. sprach do Gernot.
da sterbent wan die veigen. die mozen ligen tot.
dar vmbe ich niht vergezzen. mac der eren min.
die unfer widerwinnen. suln vns willechomen sin.

Do sprach der starche Hagene. daz endunchet mich niht gnot.
Liddegast vnt Liddeger. die tragent obermoot.
wir mozen uns niht besenden. inso churzen tagen.
so sprach der chune reche. wan moget irz Sifride sagen.

Die boten herbergen. hiez man in die stat.
swie nient man in wære. doch schone ir pflegen bat.
Gunther der riche. daz was wolgetan.
vnz er eruant an vriunden. wer im wolde gestan.

Dem kunige insinen sorgen. was iedoch vil leit.
do sach in trourende. ein degen vil gemeit.
der niht wizzen kunde. was im was geschehen.
do bat er im der märe. den kunic Gunther veriechen.

Mich wundert harte sere. sprach do Siurit.
wie habt ir so verkeret. die vroliche sit.
der ir nu mit uns lange. habt alher gepflegen.
des antwort im do Gunther. der vil zierlich degen.

Jane mag ich allen luten. die swere niht gesagen.
die ich mu; tougenliche. inmine hercen tragen.
man sol stäten fründen. chlagen hercen not.
div Sifrides varwe. wart beidiv bleich vnt rot.


Er sprach zu dem kunige. habt uf minen eit.
ich sol ir helfen wenden. elliv iweriv leit.
welt ir vriunde svochen. der sol ich einer sin.
vnt trowe es wol mit eren. vol bringen an das ende min.

Itz lone ir got her Siurit. div rede mich dunchet guot.
vnt ob mir nimmer helse. iwer ellen getvot.
ich frewe mich doch der märe. das ir mir sit so holt.
lebe ich deheine wile. es sol werden wol verscholt.

Ich wil irch lazzen horen. warumbe ich trurich stan.
von boten miner viende. ich das vernomen han.
das si mich sochen wellen. mit heruertten hie.
das getaten uns noch degene. her zu disen landen nie.

Das lat irch ahten ringe. sprach do Siurit.
vnt senftet iwerim mvote. tvot des ich irch bite.
lat mich ir erwerben. ere vnt ovch den frumen.
es das iwer viende. her zedisen landen chomen.

Swenne iwer starche viende. zir helse mohten han.
drizzech tusint degene. so wold ich si bestan.
het ich niwan tusint. des lat irch an mich.
do sprach der kunic Gunther. das dien ich immer vmb dich.



So heizet mir gewinnen. tufint iwer man.
sit daz ich der minen. bi mir niht enhan.
niwan zwelf degene. so wer ich iwer lant.
iw sol immer dienen. mit triwen Sifrides hant.

Des sol uns helfen Hagene. vnt och Ortwin.
Danchwart vnt Sindolt. die lieben rechen din.
och sol da mit riten. Volcher der kune man.
der sol den vanen foren. baz ihs nieman engan.

Nu lat die boten riten. wider in ir lant.
daz si uns da sehen schiere. daz to man in bekant.
so daz unser burge. vride muzen han.
do hiez der kunie besenden. heidiv mage vnt man.

Die boten Ludegeres. zehove giengen do.
daz si zelande solden. des warn si vil vro.
do bot in riche gabe. Gunther der kunie gvot.
vnt schuf in sin geleite. des stunt in hohe der mvot.

Nu saget sprach do Gunther. den vianden min.
si mugin mit ir reise. wol da heime sin.
wellent aber si mich sfochen. her inminiv lant.
mirn zerinne miner friunden. in wirdet arbeit erchant.

Den boten riche gabe. man do for truoch.
der het in zegebene. der riche chunie genvoch.
dine torsten niht versprechen. die Ludegeres man.
vrloyp si do namen. vnt suren vrolichen dan.

Do die boten waren. ze Tenemarche komen.
vnt der kuniech Ludegast. hete daz vernomen.
waz si ze Rine redeten. als im daz wart geseit.
ir starches vbermveten. was im ane maze leit.

Man saget im daz si heten. manigen chunen man.
dar vnder sach man einen. vor Gunther stan.
der was geheizen Sifrit. ein helt v; Niderlant.
ez leidete Liudegaste. do er diu märe recht ervant.

Do die von Tenemarche. disse horten sagen.
do ilten si der helffe. deste me begagen.
so daz der kunic Liudegast. finer mage vnt man.
wol zweinzich tusint degene. zo der reise gewan.

Do besande och sich von Saksen. der chvne Liudeger.
vns si vierzech tusint. heten vnt mer.
mit den si wolden riten. in Guntheres lant.
do heten och sich hie heime. die drie kunige besant.

Mit den Buregonden. vnt ander ir hohen man.
die si durch vrlivge. furen wolden dan.
si ilten sich bereiten. des gie den helden not.
dar vnder wosin degene. sïde chiesen den tot.

Si vlizzen sich zer reise. do si wolden dane.
Volker dem chunen. bevolhen wart der vane.
do sie varen wolden. ze Wormze ober Rin.
Hagene der starche. der wvos scharmeister sin.

Damit reit och Sindolt. vnt Honolt.
die wol gedienen chunden. richer kunige golt.
Dancwart der snelle. vnt och Ortwin.
die mohten wol mit eren. inder heruerte sin.

Her kunic sit hie heime. sprach do Sivrit.
sit daz iwer rechen. mir wellen volgen mit.
belibet bi den frowen. vnt habet hohen mvot.
ich trowe iv wol beherten. beidiv ere unt goot.

Die ouch da wolden sochen. ze Wormze an den Rin.
daz sol ich wol behuten. daz si in iht schade sin.
wir solen in geriten. so nahen inir lant.
daz in ir iberweten. werde insorgen erwant.

Von Rine si durch Hessen. mit ir helden riten.
gegen der Saksen lande. da wart sit gestriten.
mit roube vnt ouch mit brande. wuosten si daz lant.
daz is den fursten beiden. wart mit arbeit bechant.

Si komen vf die marche. die knechte zogeten dan.
Sifrit der vil starche. vragen do began.
wer sol des gefindes. vns nu huten hie.
iane wart den Saksen. geriten schedelicher nie.

Sie sprachen lat der tumben. huten vf den wegn.
den vil chunen marschalech. der ist ein sneller degen.
wir verliesen deste minre. von Kiodegere man.
lat in vnt Ortwinen. hie die nach hote han.

So wil ich selbe riten. sprach Siurit der degen.
vnt wil der warte. gein den nienden pflegen.
vnt ich vil rehte erwinde. wa die rechen sint.
do wart gewaffent balde. der schonen Sigelinde kint.

Daz volch bevalh er Hagene. da er wolde dan.
vnt ouch Gernote. dem uil kunem man.
do reit er eine dannen. inder Saksen lant.
da er diu rehten märe. wol mit eren sit erwant.

Do sah er here das grozze. daz uf dem velde lac.
daz wider finer helpe. mit vnfsoge wach.
des was wol vierzech tusint. oder dannoch baz.
der helt in hohem mote. sach vil frolichen daz.

Do het ovch sich ein reche. von den vienden dar.
erhaben v̄ die warte. der was zevlise gar.
den sach der herre Sifrit. vnt in der chune man.
ietweder do des andern. mit nide govmen began.

Ich sage iw wer der wære. der hie der warte pflach.
ein liechter schilt von golde. im vor der hende lach.
es was der kunich Livdegast. der hute finer schar.
dirre gast vil edele. ernante vil herlichen dar.

Wo hete ovch in her Livdegast. vientlich erchorn.
ir roff si namen beide. zen siten mit den sporn.
sie neigten v̄ die schilde. die scharste mit ir kraft.
des wart der kunic here. mit grozen sorgen behaft.

Die roff nach stiche tragen. die richen kuniges kint.
mit hurte fur ein ander. sam si wäte ein wint.
mit zornen wart gewendet. vil ritterlichen dan.
mit swerten es erfohnten. die zwen grimme starche man.

Do sluch der herre Sifrit. das alda; velt erdos.
do stoy im v̄ dem helme. sam von brenden groz.
die heizen fivres vunchen. von des rechen hant.
da streit vil mähteklichen. der voget v̄ Niderlant.

Do sluoc ovch im her Livdegast. vil manigen grimmen slach.
ir ietwederes ellen. v̄ schilden vaste lach.
do heten dar gehutet. wol drizzech finer man.
e' im der helfe chome. den sich doch Sivrit gewan.

Mit drin starchen wunden. die er dem kunige sluoc.
durch eine liechte brunne. die was gvot genvoch.
das swert an sinen ecken. braht v̄ wunden bluot.
des gewan der kunic Livdegast. einen trurigen mvot.

Er bat sich leben lazen. vnt bot im siniv lant.
vnt sagt im daz er wäre. Kivdegast genant.
do chomen sine rechen. die heten wol gesehen.
was da von in beiden. vf der warte was gesehen.

Do er in danne furte. do ward er an gerant.
von drizzech sinen mannen. do wert des heledes hant.
sinen richen gisel. mit vngefugen flegen.
sit tet schaden mere. Sifrit der v3 erwelte degen.

Die drizzech er zetode. vil werliche fwoch.
er liez ir leben einen. balde er reit genvoch.
vnt sagt hin diu märe. waz hie was gesehn.
ovch moht mans die warheit. an sinem rotem helme sehn.

Den von Tenemarche. was vil grimme leit.
ir herre was gevangen. do in daz wart geseit.
man seit ez Kivdegere. toben er began.
von ungefugem zorne. wand im was leide getan.

Kivdegast der riche. was gefuret dan.
von Sifrides gewalte. 3v Guntheres man.
er bevalh in Hagene. der chune reche guot.
do er vernam diu märe. do ward er frolich gemvot.

Er hiez der Burgonden. ir vanen binden an.
wol vf so sprach Sifrit. hie wirt noch me getan.
e' sich der tac verende. sol ich habn den lip.
daz mvot in Saksen lande. etliches guten rechen wip.

Ir helde von dem Rine. ir sult min nemen war.
ich kan ivch wol geleiten. in Kivdegeres schar.
da seht helme howen. von guter helede hant.
e' daz wir wider wenden. inder Burgonden lant.

Ben rossen gahte Gernot, vnt ouch sine man.
Volker der chune, den vanen wochte dan.
der starcke videläre, do reit er vor der schar.
do was ouch daz gesinde, ze strite herlichen gar.

Sine furten doch niht mere, niwan tusint man.
dar ober zwelf rechen, stieben do began.
diu molte von den strazen, si riten ober lant.
do sach man von in schinen, vil manigen herlichen rant.

Do waren ouch die Saksen, mit ir scharn chomen,
mit swerten wol gewahsen, als wir han sit vernomen.
diu swert diu sniten fere, den rechen an der hant.
do wolden si den gesten, wern burge vnt lant.

Der herren schar meister, daz volch do furten dan.
da was ouch chomen Sifrit, mit den sinen man.
die er da mit im brahte, vzer Niderlant.
des tages wart in sturme, vil manic blutiger rant.

Sindolt vnt Hynolt, vnt ouch Gernot,
die vrunten indem strite, vil manigen helt tot.
e' si daz reht erfunden, wie chune was ir lip.
daz wose sit beweinen, vil manic wetlichez wip.

Volker vnt Hagene, vnt ouch Ortwin,
die laseten im strite, vil maniges helmes schin.
mit vliezendem bluote, ez warn chune man.
da wart von Danchwarte, vil michel wunder getan.

Die von Tenemarche, versuohten wol ir hant,
do horte man von hurte, erdiezen manigen rant.
vnt ouch von scharspen swerten, der man da vil gesluoc.
die strit chunen Saksen, laten scaden ouch genwoch.

Do die von Burgonden. drungen inden strit.
von in wart verhowen. vil manic wunde wit.
do sahe man uwer sättele. vliezen daz bluot.
svs wrben nach den eren. die ritter chun vnde gnot.

Man horte da luot erhellen. den helden an der hant.
diu vil scharpfen wafen. da die von Niderlant.
drungen nach ir herren. indie herten schar.
si chomen degenliche. mit samt Sifride dar.

Volgen der von Kine. niemen man im sach.
man mohte chiesen vliezen. den blotigen bach.
durch die vil lichten helme. von Sifrides hant.
vnz er Livdegeren. von sinen hergesellen vant.

Drie widerchere. het er nu genomen.
des hers an ein ende. nu was och Hagene chomen.
der half im wol ervollen. in strite sinen mvot.
des tages muose ersterben. von in vil manic ritter gnot.

Do der starche Livdeger. Sifriden vant.
vnt daz er so hohe. troge an siner hant.
daz vil scharpfe wafen. vnt ir so manigen fluoc.
dar umbe wart der chuene. vor leide zornich genvor.

Do wart ein michel dringen. vnt gros der swerte klanch.
do ir ingesinde. zu zein ander dranch.
do versuhten sich die rechen. beidenthalben baz.
die schar begunden wichen. sich huop da groslicher haz.

Dem vogete von den Saksen. was daz wol geseit.
sin bruder was gevangen. daz was im harte leit.
wol weffer daz is tete. daz Sigelinde kint.
man zeh is Gernoten. vil wol ervant er is sint.

Die flege Kidegeres, die warn also storch,
das im vnder fatele, struchte das march,
do sich das roß erholte, der chune Siurit,
gewan indem sturme, einen vreisfelichen sit.

Des half im wol Hagene, vnt ooch Gernot,
Ortwin vnt Volker, des lage ir vil da tot,
Sindolt vnt Hunolt, die zwene chune man,
von den vil manic frowe, schaden grossen da gewan.


Insturme vngescheiden, warn die kunige her,
do sah man ober helme, vliegen manigen ger,
durch die lichten schilde, von der degene hant,
man sach da var nach bluote, manigen herlichen rant.

Indem storch sturme, erbeizte manic man,
nider von den rossen, ein ander liefen an,
Sifrit der chune, vnt ooch Kideger,
da striten wol nach eren, die helede chun vnt her.

Do floech das schilt gespenge, von Sifrides hant,
den sig gedaht erwerben, der helt von Niderlant,
an den kunen Saksen, die dolten vngemach,
hei was da lichter ringe, der snelle Danewart zebrach.

Do het der herre Kideger, vf eine schilde erkant,
gemalet eine chrone, vor Sifrides hant,
wol wesser das iz wäre, der obermoete man,
der helt zu sinen frunden, storch rufen began.

Gelobet ich des sturmes, mage vnt man,
von den Sigemundes, ich hie gesehn han,
von Niderlant den storch, han ich hie bechant,
in hat der ubil tiwfel, her zen Saksen gesant.



Die vanen wrden lazē. indem sturme nider.
frides er do gerte. des wert man sider.
doch mofer werden gifel. in Guntheres lant.
daz het an im ertwongen. des chunen Sifrides hant.

Mit gemeinen rate. so liezen si den strit.
durchel vil der helme. vnt oveh der schilde wit.
si leiten von den handen. swaz so man der vant.
die trugen blutes varwe. von der Ouregonden lant.

Si viengen swen si wolden. des heten si gewalt.
Gernot der herre. vnt Hagene ein degē balt.
die wunden hiezen baren. si furten mit in dan.
zw den Ouregonden. funf hundert wellicher man.

Die sigelosen rechen. ze Tenemarchen riten.
do enheten oveh die Saksen. so hohe niht gestriten.
daz man in lobes iāhe. daz was den heleden leit.
do wrden oveh die veigen. von friunden sere gekleit.

Sie hiezen daz gewāsen. wider soomen an den Rin.
ez hete wol geworben. mit den rechen sin.
Sifrit der starche. het ez gnot getan.
des im do iehen mofen. alle Guntheres man.

Gegen Wormez sande. der herre Gernot.
heime zw sine lande. den friunden er enbot.
wie im gelunge wāre. vnt den sinen man.
ez heten die vil chunen. wol nach eren getan.

Die garzne liefen. von den wart ez geseit.
do freuten sich die schōnen. die e' heten leit.
der vil lieben märe. die in waren chomen.
da wart von edeln frowen. uil michel fragen vernomen.

Wie gelunge wære. des richen chuniges man.
man hiez der boten einen. zu Chriemhilde gan.
das geschach vil toegen. iane torstes oberlvot.
wan si hete dar vnder. ir vil liebes hercen tvot.

Do si den boten koomenden. zir kemenaten sach.
Chriemhilt div uil schone. gottlichen sprach.
sagan liebiv märe. ia gib ich dir min golt.
toftw; ane triegen. ih wil dir immer wefu holt.

Wie schiet v; dem strite. min bruder Gernot.
vnt ander mine friwende. ist mir iht maniger tot.
wer tet da daz beste. daz soltu mir sagen.
do sprach der bote biderbe. wir heten ninder deheinen zagen.

Ze vorderst am striten. reit niemen alse wol.
vil edeliv kuniginne. sit manz iv sagen sol.
so der gast vil chune. vzer Niderlant.
da worhte nichel wnder. des herren Sivrides hant.

Swaz die rechen alle. in strite hant getan.
Danchwart vnt Hagene. vnt ander des kuniges man.
swaz iemen streit nach eren. daz ist gar ein wint.
wider Sifriden. des kunic Sigenundes kint.

Si frumten indem sturme. der helde vil erlagen.
doch enkund iv daz wnder. niemen wol gefagen.
was da worhte Sifrit. swenner zesturme reit.
den vrowen an ir magen. frumet er div gröslichen leit.

Ovch moeste da beliben. vil maniges wibes tvot.
sine flege man horte. vf helmen alse luot.
daz si von wunden brahten. daz vliezende blvot.
er ist in allen tugenden. ein ritter kvon vnt gvot.

Da hat och vil begangen. von Mezen Ortwin.
swaz er ir mohte erlangen. mit den handen sin.
die muosen wnt beliben. oder meistich tot.
da tet iwer bruder. die aller grozisten not.

Die immer inden stürmen. chonde sin geschehn.
man muoz der warheite. den vzer welten ichn.
die stolzen Burgonden. die habent so gevarn.
daz si vor allen schanden. ir ere chunnen wol bewarn.

Man sach da vor ir handen. vil manigen satel bloz.
da von den liechten swerten. das velt vil lut erdoz.
die rechen von dem Rine. die habent so gestriten.
daz ez ir vianden. wäre bezer vermiten.

Die chunen Cronegäre. die taten groziv leit.
da man mit volches chresten. zu zein ander reit.
da vrumte manigen toten. des chunen Hagenen hant.
des vil zefagene wäre. her zer Burgonden lant.

Sindolt vnt Hunolt. die Gernotes man.
vnt Romolt der vil chune. die hantz so gvot getan.
daz er Liodegere. mac immer wesen leit.
daz er den minen herren. het ze Rine widerseit.

Strit den aller hohsten. der inder da geschach.
ze iungest vnt zem ersten. den ieman gesach.
den tet vil willekliche. die Sifrides hant.
er bringet riche gisfel. indaz Guntheres lant.

Die twanc mit sinen ellen. der wätlich man.
des och der kunic Liodegast. schaden vil gewan.
vnt och von den Saksen. der chune Liodeger.
nu horet minio märe. vil edeliv kuniginne her.

Si hat gevangen beide, die Sifrides hant,
es enwart nie meniger gisfel, braht indizze lant,
so nu von sinen schulden, chumet an den Rin,
ir enchunden disto märe, nimmer lieber gesin.

Man bringet der gesunden, fons hondert oder baz,
vnt der verch wunden, frowe wizet das,
wol abzech rose bäre, in Burgonden lant,
die meistech hat verhowen, des chunen Sifrides hant.

Die durch ir oberweten, widersageten an den Rin,
die mozen nu gevangen, die Guntheres sin,
die bringet man mit freuden, her indizze lant,
da erblvet ir liehtiv varwe, do si die märe recht ervant.

es wart ir lieth antlyze, vor liebe rosen rot,
do mit liebe was gescheiden, v3 der grozen not,
der minneklich reche, Sivrit der iunge man,
si vrent och sich ir fründe, das was von schulden getan.

Do sprach die minnekliche, do hast mir wol geseit,
du solt haben dar umbe, ze miete richiv kleit,
vnt zehn march von golde, heiz ich dir tragen,
des mag man solchiv märe, richen frowen gern sagen.

Man gab im sine miete, das golt vnt och die chleit,
do gie an die venster, vil manic schoniv meit,
si warten of die straze, riten man do vant,
vil der hochgemoten, inder Burgonden lant.

Da chomen die gesunden, die wunden taten sam,
sie mohten grozen horen, von vrunden ane scham,
der wirt gem sinen gesten, vil vrolichen reit,
mit vreden was verendet, das sin vil grosliche leit.

Do enpfe er wol die sine. die vrenden tet er sam.
wan dem richen kunige. anders niht ensam.
wan danchen gvetliche. die im warn chomen.
daz si den sig nach eren. in sturme heten genomen.

Gunther bat im mere. von sinen frivnden sagen.
wer im an der reise. zetode wär irslagen.
do het er vloru niemen. niwan sehzech man.
verklagen man die mofe. so sit nach heleden ist getan.


Di gesunden brahten. verhowen manigen rant.
vnt helme vil verschrotten. in Guntheres lant.
si stunden von den rossen. nider für den sal.
zeliebem antpfange. man horte vrolichen schal.

Do hiez man herbergen. die wegemuden man.
der kunic sinen gesten. danchen vil began.
er hiez der wunden hveten. vnt schaffen in gemach.
wol man sine togende. an sinen vianden sach.

Er sprach ze Livdegere. nu sit mir willechomen.
ich han von iwern schulden. schaden vil genomen.
der wirt mir nu gebvzet. ob ich gelucke han.
got lone minen frivnden. si hant mir liebe getan.

Dr muvt in gerne danchen. sprach do Livdegere.
also hoher gisel. gewan nie kunic mere.
vmbe schone hote. wir bieten michel gvot.
daz ir genädechliche. an mir vnt minen frivnden tvot.

Ich wil ivch ledech lasen. sprach der kunic gen.
daz mine viande. hie bi mir besten.
des wil ich haben burgen. daz si miniv lant.
iht rvomen ane hulde. des sichert do ir beder hant.



Man brahte si zerowe. vnt schof in gut gemach.
den wunden man gebettet. vil gotlichen sach.
man schancte den gefunden. met vnt goten win.
do chunde das gefinde. nimmer vrolicher sin.

Ir zerhowen schilde. man behalten trooch.
blotiger sätele. der was da genwoch.
die hiez man och verbergen. das weinten niht diu wip.
do chom her muede. vil maniges chunen ritters lip.


Der wirt pflac siner geste. vil grosliche wol.
der vrenden vnt der chunden. was das lant so vol.
man hiez der fere wunden. vil gotliche pflegn.
do was ir obermweten. vil harte ringe gelegn.

Die erencie chunden. den bot man grozen scholt.
silber ane wage. dazwo das liehte golt.
daz si die helde nerten. nach des strites not.
dar zwo der kunic den gesten. gabe groslich bot.

Die wider heim zehuse. der reise heten mwot.
die bat noch beliben. also man friunde tvot.
der kunic gie zerate. wier loüte sinen man.
si heten sinen willen. nach grozen eren getan.

Do sprach der herre Gernot. man sol si riten lan.
ober sehs wochen. si in das chunt getan.
daz si chomen widere. zainer hochgeite.
so ist maniger geheilet. der nu vil fere wnd lit.

Do gert och velobes. der helt von Niderlant.
do der kunic Gvnther. den willen sin ervant.
er bat in mimckliche. noch bi im bestan.
wan durch Chriemhilde. so wär es nimmer getan.



Darzo was er zeriche. daz er iht nāme solt.
er het daz wol verdienet. der kunic was im holt.
sam waren sine mage. die heten daz gefehn.
waz von sinem ellen. indem sturme was gefehēn.

Durch der schonen willen. gedaht noch bestan.
die er vil gern sehe. sit wart ez getan.
al nach sinem mwote. si warde im wol bechant.
sit reit er vroliche. heim insines vater lant.

Der wirt hiez zallen citen. ritterscheste pflegn.
daz tet do willechliche. vil manic iunger degn.
die wil hiez er sidelen. vor Wormze an den sant.
den die im chomen solden. z der Burgonden lant.

Inden selben citen. do si nu solden chomen.
do het die vrowe Chriemhilt. div māre wol vernomen.
er wolde hochgeciten. mit magen vnt man.
do wart vil nichil vliēn. von schonen vrowen getan.

Mit wāte vnt mit gebende. daz si solden tragen.
Ute div vil riche. div māre horte sagn.
von den stolzen degenen. die da solden chomen.
do wart v; der valde. goter wāte vil genomen.

Durch ir kinde liebe. hiez si do sniden kleit.
da mit wart gezieret. vil frowen vnt manic meit.
vnt vil der iungen rechen. v; Burgonden lant.
da wart och vil der vremden. bereitet herlich gewant.